



PRIZREN

**RAPORT MONITORIMI I SEKTORIT
TË MJEDISIT NË KOMUNËN E
PRIZRENIT - 2021**

Botues: EC Ma Ndryshe
Rr: Fehmi Lladrovci 94, Prizren
Bulevardi Nënë Tereza 30B H1 Nr. 5, Prishtinë
www.ecmandryshe.org
info@ecmandryshe.org
029 222 771 & 03 224 967

Ky dokument është realizuar nga EC Ma Ndryshe; i mbështetur nga Agjencia Suedeze për Zhvillim dhe Bashkëpunim Ndërkombëtar (Sida) përmes Programit të saj "Human Rightivism" zbatuar nga Fondi për Zhvillimin e Komunitetit - CDF. Përmbajtja dhe pikëpamjet e paraqitura këtu nuk përfaqësojnë qëndrimin zyrtar të donatorëve



Sweden
Sverige



Ky raport është një përpjekje e re e strukturuar e shoqërisë civile për të adresuar e trajtuar përgjegjësitë e organeve kompetente të Qeverisë Lokale, përkatësisht përgjegjësitë e Komunave karshi 7 aspekteve mjedisore që rregullohen me kornizën ligjore të vendit

Organet përgjegjëse për mbrojtjen e mjedisit janë të rregulluara në forma të ndryshme në Komunitatet e Kosovës. Disa nga komunitetet kanë drejtoritë të dedikuara për mbrojtjen e mjedisit, ndërsa disa kanë sektore në kuadër të drejtorive për planifikim apo zyrtarë përgjegjës për çështje mjedisore. Në Komunitetin e Prizrenit, Sektori për Mjedis dhe Menaxhimin e Mbeturisë, funksionon në kuadër të Drejtorisë së Shërbimeve Publike.

Metodologjia e ndjekur nga EC Ma Ndryshe për përpilimin e këtij raporti merr në konsideratë 12 ligje që adresojnë aspekte të ndryshme të mbrojtjes së mjedisit, si:

- Ligji nr.03/L-025 për Mbrojtjen e Mjedisit
- Ligji nr.03/L-233 për Mbrojtjen e Natyrës
- Ligji nr.03/L-160 për Mbrojtjen e Ajrit nga Ndotja
- Ligji nr.2003_3 për Pyjet e Kosovës
- Ligji nr.04/L-147 për Ujërat e Kosovës
- Ligji nr.04/L-060 për Mbeturinë
- Ligji nr.06/L-035 për Veprimtaritë Hidrometeorologjike
- Ligji nr.03/L-119 për Produktet Biocide dhe Shtojcat
- Ligji nr.02/L-53 për Gjuetinë
- Ligji nr.04/L-197 për Kimikate
- Ligji nr.04/L-174 për Planifikimin Hapësinor
- Ligji nr.04/L-175 për Inspektoratin e Mjedisit, Ujërave, Natyrës, Planifikimit Hapësinor dhe Ndërtimit

Ndërsa aspektet kryesore që ligjet e lartshënuara rregullojnë janë:

- Organet institucionale
- Kapacitetet njerëzore
- Dokumentet e Planifikimit dhe Menaxhimit Mjedisor
- Pjesëmarrja publike
- Të dhënat Mjedisore
- Mbikëqyrja dhe raportimi
- Licencimi, lejet dhe pëlqimet mjedisore

Mbi këtë bazë përmbajtja e këtij raporti tenton që të mbulojë aspektet kryesore që legjislacioni në fuqi adreson, si:

- Skema institucionale për planifikimin dhe menaxhimin mjedisor*
- Korniza ligjore*
- Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit*

*Mbikëqyrja inspektive dhe raportimi mjedisor
Krijimi, grumbullimi, menaxhimi i të dhënave dhe sistemit të menaxhimit të dhënave
Bashkëpunimi, koordinimi dhe pjesëmarrja publike
Licencimi dhe lejet mjedisore*

Gjetjet e këtij raporti në kapituj të caktuar kanë identifikuar mangësitë aktuale në sektorin e mjedisit, që kërkojnë vëmendje më të shtuar nga autoritetet komunale, me qëllim të përmirësimit të procesit të planifikimit dhe menaxhimit mjedisor. Gjithashtu ato janë validuar nga zyrtarët përkatës komunalë, si pasqyrim i gjendjes reale në sektorin e mjedisit. Njëherësh kanë theksuar se burimet njerëzore dhe financiare nuk janë në nivel të mjaftueshëm, gjë që mbase reflektohet edhe në gjendjen aktuale mjedisore.

Në fund janë adresuar edhe disa rekomandime me qëllim të përmirësimeve dhe plotësimeve në proceset e planifikimit dhe menaxhimit mjedisor, drejt arritjes së rezultateve më të qëndrueshme në sektorin e mjedisit dhe mbrojtjen e resurseve natyrore.

GJETJET E RAPORTIT

1. Skema institucionale për planifikimin dhe menaxhimin mjedisor

Në Komunën e Prizrenit organi përgjegjës për planifikim dhe menaxhim mjedisor është Sektori i Mjedisit dhe i Menaxhimit të Mbeturinave që funksionon në kuadër të Drejtorisë së Shërbimeve Publike. Staf i DSHP-së, njëjtë sikurse në vitin 2020, përbëhet prej gjithsejtë 14 punonjësve, prej të cilëve 5 zyrtarë janë të angazhuar në Sektorin e Mjedisit dhe të Menaxhimit të Mbeturinave.

Ky sektor përbëhet prej udhëheqësit të sektorit, bashkëpunëtorit profesional për mjedis, përgjegjës për menaxhimin e mbeturinave, inspektorit për mjedis dhe shërbyesit në sportel (arkëtarit).

Organi komunal	A është themeluar?	Emri zyrtar	Fuqia aktuale punëtore
Drejtoria	Po	Drejtoria e Shërbimeve Publike	14
Spektori	Po	Spektori i Mjedisit dhe Menaxhimit të Mbeturinave	5
Zyrtarët	Po	- Udhëheqësi i Sektorit të Mjedisit dhe Mbeturinave	1
		- Bashkëpunëtorit profesional për Mjedis	1
		- Përgjegjësja për Menaxhimin e Mbeturinave	1
		- Inspektori për Mjedis	1
		- Shërbyesi në sportel (arkëtar)	1

Numri i angazhuar i shërbyesve civil sipas deklaratave të zyrtarëve të SMMM nuk është i mjaftueshëm për kryerjen e detyrave të përcaktuara me kornizën ligjore. Për ilustrim, ata kanë bërë të ditur se bazuar në programin e Sektorit të Mjedisit dhe Menaxhimit të Mbeturinave të hartuar nga JICA, numri i zyrtarëve të angazhuar në këtë sektor duhet të jetë 16. Sipas tyre shërbyesit civil në SMMM kanë profilet e nevojshme profesionale për kryerjen e detyrave të përcaktuara me kornizën ligjore, ku nga shkalla 1 (aspak) deri në 5 (shkëlqyeshëm) kanë dhënë vlerësimin 4. Monitorimi tregon se dy zyrtarë kanë të kryer Fakultetin e Arkitekturës, një Fakultetin e Bujqësisë dhe një Fakultetin Ekonomik.

SMMM ka bërë të ditur se gjatë vitit 2021 për punonjësit e këtij sektori nuk janë organizuar trajnime rreth kornizës ligjore, as nga niveli qendror, e as nga komuna apo ndonjë organizatë tjetër. Gjithashtu në vitin 2021 nuk është organizuar asnjë trajnim rreth çështjeve mjedisore për stafin e SMMM, as nga niveli qendror, e as nga komuna apo ndonjë organizatë tjetër.

Stafi i SMMM gjatë vitit 2021 nuk ka shfrytëzuar ndonjë udhëzues profesional për planifikimin dhe menaxhimin e çështjeve mjedisore, por gjatë kryerjes së detyrave kryesisht është fokusuar në legjislacionin në fuqi dhe dokumentet strategjike.

* * * * *

Statistikat Kryesore - 2021:

1. Numri i zyrtarëve të angazhuar në SMMA– 5
2. Numri i trajnimeve rreth kornizës ligjore – 0
3. Numri i trajnimeve sipas fushës mjedisore – 0
4. Numri i Udhëzuesve Profesional për planifikimin dhe menaxhimin mjedisor – 0

KORNIZA LIGJORE

Metodologjia e EC-it, merr në konsideratë 12 ligje që adresojnë aspekte të ndryshme të mbrojtjes së mjedisit, të cekura më lartë.

Komuna e Prizrenit, përkatësisht SMMM ka raportuar se mbështetet në këto dokumente ligjore:

1. Plani Lokal i Veprimit Mjedisor 2014-2018
2. Rregullorja Komunale për Menaxhimin e Mbeturinave Nr. 01/011-31308, 19 shtator 2015
3. Plani Pesëvjeçar i Menaxhimit të Mbeturinave të Ngurta 2013-2018, shtator 2013
4. Plani Master për Menaxhimin e Mbeturinave 2014-2023, Nr. 01/011-161014, 03 shtator 2015
5. Ligji Nr. 02/L-30 për Menaxhimin e Mbeturinave
6. Ligji Nr. 03/L-024 - Vlerësimi i Ndikimit në Mjedis
7. Ligji Nr. 03/L-25 për Mbrojtjen e Mjedisit
8. Ligji NR. 03/L-233 për Mbrojtjen e Natyrës
9. Ligji nr. 03/L-160 për mbrojtjen e ajrit
10. Ligji Nr.04/ L-147 për ujërat e Kosovës
11. Ligji Nr. 02/L-102 për Mbrojtjen nga Zhurma

Zyrtarët e SMMM të Komunës së Prizrenit kanë shprehur bindjen se korniza ligjore mjedisore është pjesërisht e konsoliduar. Por nuk kanë listuar mangësitë kryesore ligjore të cilat i hasin gjatë punës së përditshme. Sipas tyre, Plani Lokal i Veprimit Mjedisor është hartuar për periudhën 2014-2018 dhe se ende nuk ka ndonjë iniciativë për hartimin e një plani të ri për periudhën në vazhdim. Ndërsa njohuritë e stafit të këtij sektori rreth kornizës respektive ligjore i kanë notuar me 4, nga 1/aspak deri 5/shkëlqyeshëm.

HARTIMI, HARMONIZIMI DHE ZBATIMI I DOKUMENTEVE TË PLANIFIKIMIT DHE MENAXHIMIT TË MJEDISIT, PROJEKTEVE DHE MASAVE PËR MBROJTJEN E MJEDISIT

Sikurse një vit më parë, rrjedha e ciklit të planifikimit dhe menaxhimit mjedisor nuk shquhet për qasje të strukturuar dhe të organizuar. Hartimi i politikave mjedisore kërkon dinamizim me qëllim që ato ti përgjigjen nevojave të kohës. Plani Lokal i Veprimit në Mjedis ka skaduar në vitin 2018 dhe nuk është hartuar plani i ri.

Programet mjedisore sipas SMMM gjatë vitit 2021 kanë përfshirë fushën e Vetëdijesimit, Eliminimit të Pikave të Zeza, Minimizim e Mbeturinave, Edukimin në Shkollë, si dhe promovimin e aktivitetit "Rruga ime" dhe të programit të adaptimit, por nuk janë prezantuar raportet e zbatimit si dhe rezultatet e arritura.

SMMM ka raportuar se projektet e kontraktuara janë menaxhimi i mbeturinave, mirëmbajtja e rrugëve, shesheve dhe hapësirave të gjelbra dhe shtratit të gjatë sezonit dimëror dhe veror, dhe shtratit të Lumbardhit, hartimi i disa projekteve infrastrukturore, pastaj furnizimi me kontejnerë, etj

Masat e ndërmarra për mbrojtjen e mjedisit në vitin 2021 sipas SMMM përfshijnë mirëmbajtjen e shtratit të Lumbardhit, sikurse edhe furnizimin me disa pajisje për matjen e zhurmës, për matjen e radioaktivitetit, për matjen e ndotjes së ujit, për matjen e cilësisë së ajrit.

Hartimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit ka nevojë për përmirësim, veçmas në aspektin e nivelit të përputhshmërisë së veprimeve me strategjitë mjedisore në fuqi, ngase rrjedha aktuale e bën të vështirë matjen e efikasitetit të këtyre veprimeve në përmirësimin e gjendjes mjedisore.

Planet e nivelit lokal për menaxhimin mjedisor në vitin 2021 kanë vazhduar që të jenë në nivel modest.

Lloji i planit	Emri i dokumentit	Statusi	Koha e hartimit	Kohëzgjatja e mandatit	Hartuesi	Disponueshmëria e raporteve të zbatimit
Planet Lokal i Veprimit në Mjedis	Planet Lokal i Veprimit në Mjedis 2014 – 2018	Skaduar	2014	2014-2018	Nuk është ofruar informata	Nuk është ofruar informata
Programet Mjedisore	Vetëdijesimi Eliminimi i pikave të zeza Minimizimi i mbeturinave Edukimi në shkolla Promovimi	/	Vjetore	/	/	Nuk është ofruar informata
Vlerësimi Strategjik Mjedisor	/	/	/	/	/	Konsiderohet jashtë fushës së SMMM
Vlerësimi i Ndikimit në Mjedis	Është ofruar lista e lejeve mjedisore	/	/	/	/	/
Plani Komunal për Menaxhimin e Mbeturinave	Plani Master për Menaxhimin e Mbeturinave 2014-2023	/	2014	2014-2023	/	/
Plani Zhvillimor Komunal	Plani Zhvillimor Komunal 2013-2025	Në fuqi	2013	/	UTS, UDS	Konsiderohet jashtë fushës së SMMM
Harta Zonale e Komunës	Harta Zonale e Komunës	Draft, është mbyllur shqyrtimi publik	2020	/	Prima Eng	Konsiderohet jashtë fushës së SMMM
Plani i rregullimit të tokës	Nuk është ofruar Informata	/	/	/	/	Konsiderohet jashtë fushës së SMMM
Programi për mbrojtjen nga veprimet e dëmshme të ujërave	Nuk është ofruar Informata	/	/	/	/	Konsiderohet jashtë fushës së SMMM

Projektet kapitale të nivelit lokal për rregullimin, promovimin dhe mbrojtjen e mjedisit

Emri i projektit	Statusi	Periodha e realizimit	Vlera e kontratës	Autoriteti kontraktues	Lokacioni	Fusha temat-ike	Partneri zbatues	Plani
Menaxhimi i mbeturinave, grumbullimi, transporti dhe deponimi	Kontratë kornizë	31.01.2021 36 muaj	2,17 mil €	Komuna e Prizrenit	Komuna e Prizrenit	Ajër, Dhe, Ujë, Biodiversitet	/	/
Mirëmbajtja verore dhe dimërore e rrugëve	Kontratë kornizë	1.10.2019 – 30.09.2022	744,000 € 823,000 € 823,000 €	Komuna e Prizrenit	Komuna e Prizrenit	Ajër, Dhe, Ujë, Biodiversitet	/	/
Shërbimet e varrimit dhe mirëmbajtja e varrezave	Kontratë	01.02.2021	0,09€/1 m2	Komuna e Prizrenit	Komuna e Prizrenit	/	/	/
Hartimi i projektit për rregullimin e përroskës në fshatin Piranë	Në proces	20.10.2021	1,400 €	Komuna e Prizrenit	Komuna e Prizrenit	/	/	/
Hartimi i projektit për rregullimin e shtratit të lumit në fshatin Korishë	Në proces	20.01.2021	1,500 €	Komuna e Prizrenit	Komuna e Prizrenit	/	/	/
Projekte ambientale -furnizimi me kontejnerë dhe vendosja e rrethojave	Kontratë	18.11.2021	39,000 €	Komuna e Prizrenit	Komuna e Prizrenit	/	/	/
Rregullimi i infrastrukturës në Lagjen Dardania 2	Kontratë	03.11.2021	99,600	Komuna e Prizrenit	Komuna e Prizrenit	/	/	/
Rregullimi i oborrit të shkollës fillore 'Lef Nosi'	Kontratë	22.09.2021	37,000	Komuna e Prizrenit	Komuna e Prizrenit	/	/	/
Softueri për menaxhimin e mbeturinave	Kontratë	2020	6,800 €	Komuna e Prizrenit	Komuna e Prizrenit	/	/	/
Furnizimi me materiale për festat mjedisore	Kontratë	2021	2,900 €	Komuna e Prizrenit	Komuna e Prizrenit	/	/	/

Masat e nivelit lokal për mbrojtjen e mjedisit nga SMMA

Masat	Masat konkrete	Statusi	Periudha e realizimit	Entiteti përgjegjës	Lokacioni	Fusha tematike	Plani/Vendimi
Masat për rregullimin e pellgjeve lumore në zonat urbane;	Mirëmbajtja e shtratit të Lumbardhit	/	Vjetore	Komuna e Prizrenit	Komuna e Prizrenit	Ujë	Plani vjetor
Masat për mbrojtjen dhe zhvillimin e pyjeve	/	E planifikuar	/	Komuna e Prizrenit	Komuna e Prizrenit	Ajër	Plani Vjetor nga MBPZHR
Masat për mbrojtjen e vlerave të natyrës që shpall Komuna;	/	/	/	/	/	/	/
Masat emergjente për të normalizuar gjendjen e cilësisë së ajrit	/	/	/	/	/	/	/
Masa të tjera për mbrojtjen e mjedisit	- Furnizimi me pajisje për matjen e elementeve të ndryshme - Aparati matës i zhurmës - kalibrues i zërit - Aparatet për matjen e radioaktivitetit - Aparatet për ndotjen e ujit Aparati për matjen e cilësisë së ajrit	E planifikuar për vitin 2021	/	Komuna e Prizrenit	Komuna e Prizrenit	/	/
		/	/	/	/	/	/

MBIKËQYRJA INSPEKTIVE DHE RAPORTIMI MJEDISOR

Komuna e Prizreni ka raportuar se inspektimi i zbatimit të kornizës ligjore të mbrojtjes së mjedisit dhe hartimi i raporteve përkatëse realizohet, por nuk janë ofruar hollësi të mëtutjeshme respektivisht raporte të tilla.

Edhe gjendja e deponive të mbeturinave sipas zyrtarëve nuk monitorohet në tërësi, por vetëm pjesërisht, ndërkohë që nuk janë zhvilluar vlerësime të ndikimit të deponive ekzistuese të mbeturinave në mjedis.

Sa i përket monitorimit të gjendjes së zonave të mbrojtura dikastere të ndryshme lokale e kanë parë si përgjegjësi të dikastereve tjera lokale dhe të autoriteteve qendrore. Ndërsa për monitorimin e gjendjes së pyjeve është thënë se ka monitorim 24 orësh nga Autoriteti Pyjor Komunal përmes Drejtorisë së Bujqësisë.

Sa i përket çrregullimeve mjedisore, përgjegjësia i është adresuar Drejtorisë së Inspektorateve, e cila nuk ka ofruar informata për këtë çështje. Ngjashëm ka ndodhur edhe me rastet e tejkalimit të eksploatimit të resurseve natyrore mbi kushtet e lejuara, ku Drejtoria e Inspektorateve, nuk ka ofruar informata për këtë çështje.

Autoriteti Pyjor Komunal, përmes Komisionit të përbashkët me Agjencinë e Pyjeve të Kosovës, ka bërë regjistrimin e pyjeve, sipas UA-05/2010, dhe ka konstatuar se nuk ka shkelje në menaxhimin e burimeve drusore dhe jo drusore. Gjatë vitit 2021, Autoriteti Pyjor Komunal, ka ngritur 5 fletëparaqitje ndaj gjahtarëve ilegal.

Ndërkaq vendgjuesit janë themeluar dhe ri-themeluar me zgjerimin e sipërfaqes së Parkut Kombëtar 'Malet e Sharrit', por lënda është në gjykatë dhe pritet zgjidhja e kësaj çështjeje.

Nga raporti i ofruar, rezulton se Inspektori Mjedisor gjatë vitit 2021 ka hartuar 47 procesverbale, 24 aktvendime, 4 kërkesa për gjykatë dhe 1 gjobë mandatore.

Lënda	Janar	Shkurt	Mars	Prill	Maj	Qershor	Korrik	Gusht	Shtator	Tetor	Nëntor	Dhjetor	Gjithsej
Procesverbale te hartuara	2	1	10	11	1	9	5	1	5	1	/	1	47
Aktvendime	1	1	3	7	1	4	2	1	3	1	/	/	24
Kerkesa per Gjykat	0	0	1	0	0	0	3	0	0	0	0	0	4
Gjoba Mandatore	0	0	0	1	0	0	3	0	0	0	0	0	1
Realizuar nga gjykata	0	0	0	0	0	0	0	0	0	0	0	1	1

KRIJIMI, GRUMBULLIMI, MENAXHIMI I TË DHËNAVE DHE SISTEMIT TË MENAXHIMIT TË DHËNAVE

Komuna e Prizrenit në vitin 2021 nuk ka pasur sistem të monitorimit të cilësisë ajrit, përpos stacionit fiks të IHMK-së. Zyrtarët komunalë kanë bërë të ditur se sapo ka përfunduar procesin për furnizim me mjete matëse të ndryshme. Sipas tyre, furnizimi është realizuar për matësin e zhurmës, aparatet për matjen e radioaktivitetit, aparatet për matjen e ndotjes së ujit, si dhe aparatet për matjen e cilësisë së ajrit. SMMM ka pohuar se do të funksionalizohen 7 stacione (sensorë) për matjen e cilësisë së ajrit, 2 në zonën urbane dhe 5 tjera në fshatrat Reçan, Lutogllavë, Piranë, Gjonaj dhe Zhur (Vlashnje).

Komuna e Prizrenit nuk ka sistem të monitorimit të dheut, e as sistem të monitorimit të cilësisë së ujrave sipërfaqësore dhe nëntokësore. Ndërsa parashikimi dhe paralajmërimi i hershëm i vërshimeve dhe thatësirave, sipas zyrtarëve komunalë bëhet nga niveli qendror respektivisht AME.

Administrata lokale nuk ka ndërtuar sistem të menaxhimit të të dhënave mjedisore. Sipas zyrtarëve komunalë, DSHP-ja nuk ka kapacitete të nevojshme teknike e as njerëzore për krijimin, grumbullimin dhe menaxhimin e të dhënave mjedisore, pasi që në SMMM siç është cekur më lartë janë të angazhuar vetëm 5 punonjës.

SMMM mirëmban sistemin e të dhënave sa i përket sasisë së mbeturinave komunale.

BASHKËPUNIMI, KOORDINIMI DHE PJESËMARRJA PUBLIKE

Zyrtarët përgjegjës të Komunës së Prizrenit bashkëpunimin dhe koordinimin me nivelin qendror në hartimin e akteve ligjore dhe nënligjore e kanë vlerësuar si të pamjaftueshëm. Ngjashëm është vlerësuar edhe bashkëpunimi dhe koordinimi me nivelin qendror sa i përket hartimit të strategjive mjedisore. Sipas tyre niveli i bashkëpunimit me organizatat joqeveritare sa i përket zhvillimit të aktiviteteve të ndryshme është në nivel të kënaqshëm, ku përfshihen aktivitete të ndryshme për promovimin e mbrojtjes së mjedisit, si dhe subvencionimi i tyre (30,000 €) për realizimin e programeve të tyre për çështjet mjedisore. Njëherësh është theksuar se hartimi i Rregullores për Menaxhimin e Mbeturinave, është zhvilluar përmes konsultimit publik, dhe pjesëmarrjes së OJQ-ve dhe shoqatave tjera, ku janë marrë propozimet dhe janë përfshirë në draft Rregullore.

Në dhjetor të vitit 2020, DSHP-ja pati iniciuar mbajtjen e takimeve me aktivistët e shoqërisë civile, me qëllim të shqyrtimit të mundësive për një bashkëpunim më efektiv në mes të Komunës dhe OJQ-ve që veprojnë në fushën e mjedisit, respektivisht zhvillimin e politikave më të mira për një mjedis të pastër, iniciativë e cila ka pasur jetëgjatësi të shkurtër, meqë janë mbajtur pak takime dhe kanë munguar informatat përcjellëse.

LICENCIMI DHE LEJET MJEDISORE

Raportimi i Komunës mbi numrin e licencave dhe lejeve mjedisore aktive, nuk është i plotë ngase është ofruar vetëm lista e lejeve mjedisore të lëshuar nga DSHP-ja për vitin 2021.

Sipas të dhënave të paraqitura nga Komuna në vitin 2021 janë lëshuar gjithsejtë 38 leje mjedisore. Sa i përket lejeve ujore dhe licencave për drunjtë nuk janë ofruar të dhëna nga SMMM.

	Nr. Identifikues dhe Data e prani të kërkes	Titulli dhe Selia e investitorit	Adresa e Investitorit	Data e pranimit	Data e lëshimit të Vendimit	Lokacioni i projektit	Lloji i objektit
1	05-353-100102	Person juridik	Pz	25.09.2020	27.05.2021	Pz	Objekt banesor nga 2B+P+7 ne 3B+P+7
2	05-352-96827	Person juridik	Pz	21.09.2020	12.02.2021	Pz	Obj. banesor me lokale afariste 2B+P+5
3	05-352-114992	Person juridik	Gjakove	26.10.2020	19.01.2021	Dardani -2 Pz	ban.kol.2B+P+5+Ph,2B+S+P+5 dhe 2B+P+6
4	05-352-118090	Person fizik	Suhareke	30.10.2020	12.02.2021	Dushanove-Pz	Objekti afarist S+P+2
5	05-352-121805	Person fizik	Prizren	09.11.2020	22.02.2021	Pz	Objekt banimi ind.B+P+2
6	05-352-122808	Person fizik	Vlashnje-Pz	11.11.2020	08.2.2021	Lubizhde -Pz	Objekt.afarist P+0 dhe P+1
7	05-352-129635	Person fizik	Pz	02.12.2020	13.01.2021	Petrove -Pz	Halle industriale P+0
8	05-352-131348	Person fizik	Pz	08.12.2020	12.01.2021	Lubizhde -Pz	Objekt.afarist -Depo P+0
9	05-352-138729	Person fizik	Fsh.Mushnikove	24.12.2020	22.01.2021	Pz	Objekt.afarist P+o,P+1
10	05-352-9247	Person fizik	Fsh.Mushnikove	19.01.2021	05.02.2021	Fsh.Mushnikove	Objekt.afarist -Depo P+0
11	05-352-12781	Person juridik	Fushe Kosove	26.01.2021	23.02.2021	Dardania -2	Obj.per banim kolektiv dhe afarizem B+S+P+5,2B+P+6,2B+P+6,2B+B+6
12	05-352-16254	Person juridik	Prizren	01.02.2021	03.02.2021	Dushanove-Pz	Objekt.afarist -Depo P+0
13	05-352-18807	Person fizik	Lubizhde-Pz	04.02.2021	12.02.2021	Lubizhde -Pz	Objekt afarist -depo P+0
14	05-352-19835	Person juridik	Pz	08.02.2021	14.05.2021	Petrove-Pz	Objekt afarist -depo P+0
15	05-352-22143	Person fizik	Pz	18.02.2021	26.02.2021	Lubizhde -Pz	Obj.afar.bujqesor P+0&P+1
16	05-352-25751	Person fizik	Pz	12.02.2021	11.03.2021	Korishe -Pz	Ob.bujq. Shtalle-P+0
17	05-352-28009	Person fizik	Fsh.Gelance	23.02.2021	11.03.2021	Lubizhde -Pz	Ban.kol. Me lokale afariste B+P+3
18	05-352-33033	Person fizik	Prizren	02.03.2021	13.04.2021	Dushanove-Pz	B+P+1
19	05-35234231	Person juridik	Pz	04.03.2021	Pezullohet	Pz	Banim kolektiv,afarizem dhe adm B+P+5
20	05-352-36290	Person fizik	Fsh.Gelance	09.03.2021	29.03.2021	Lubizhde -Pz	Objekt afarist P+3
21	05-352-39463	Person fizik	Pz	15.03.2021	17.03.2021	Pz	Obj.banesor me lok afariste 2B+P+7
22	05-352-39070	Person fizik	Smaq-Pz	06.04.2021	26.03.2021	Dushanove-Pz	Obj.afarist-Depo-P+0
23	05-352-49102	Person fizik	Fsh.Pllav-Drageash	06.04.2021	15.04.2021	Vlashnje -Prizren	Obj.afarist-Restoran B+P

	Nr. Identifikues dhe Data e pranimit të kërkes	Titulli dhe Selia e investitorit	Adresa e Investitorit	Data e pranimit	Data e lëshimit të Vendimit	Lokacioni i projektit	Lloji i objektit
24	05-352-51046	Person juridik	Pz	08.04.2021	22.04.2021	Lubizhde-Pz	Obj.far.bujqesor B+P
25	05-352-53078	Person fizik	Pz	14.04.2021	21.04.2021	Dushanove-Pz	Objekt afarist
26	05-352-56109	Person fizik	Pz	21.04.2021	05.05.2021	Lubizhde-Pz	Servis-Autolaker
27	05-352-61662	Person juridik	Pz	05.05.2021	20.05.2021	Pz	Mishtore
28	05-352-64174	Person fizik	Pz	11.05.2021	20.05.2021	Dushanove-Pz	Obj.farist P+0
29	05-352-67606	Person juridik	Pz	18.05.2021	/	Pz	Ban.kol. me lokale afariste B+S+P+7
30	05-352-69828	Person fizik	Pz	20.05.2021	03.06.2021	Pz	Ban.kol. me lokale afariste 2B+P+7+PH
31	05-352-69845	Person fizik	Pz	20.05.2021	18.06.2021	Dushanove-Pz	Obj.Afarist
32	05-352-13139	Person fizik	Pz	27.05.2021	11.06.2021	Pz	Banim kolektiv,afarizem B+P+5
33	05-352-73183	Person fizik	Pz	27.05.2021	15.06.2021	Dushanove-Pz	Afarizem dhe administrate P+1
34	05-352-77722	Person fizik	Pz	31.05.2021	15.06.2021	Pz	Ban.kol. me lokale afariste B+P+7+PH
35	05-352-82675	Person fizik	Pz	10.06.2021	/	Pz	Mishtore
36	05-352-86659	Person juridik	Pz	17.06.2021	/	Pz	Banim kolektiv,afarizem B+P+8
37	05-352-86220	Person fizik	Pz	17.06.2021	/	Pz	Mishtore
38	05-352-84858	Person juridik	Pz	15.06.2021	/	Pz	Embeltore

PËRFUNDIME

Gjetjet e këtij raporti janë validuar nga zyrtarët përkatës komunalë, duke pohuar se ato pasqyrojnë gjendjen reale në sektorin e mjedisit, bashkë me mundësitë për të ngritur dhe përmirësuar çështjet mjedisore në këtë komunë. Burimet njerëzore dhe financiare sipas tyre nuk janë të nivel e mjaftueshëm, gjë që mbase reflektohet edhe në gjendjen aktuale mjedisore.

Bazuar në monitorimin e vitit 2021, konkluzionet nuk kanë ndonjë ndryshim të theksuar me ato të vitit 2020:

Komuna e Prizrenit ka krijuar organ përgjegjës për mbrojtjen e mjedisit, por kapacitetet njerëzore brenda këtij organi janë të pamjaftueshme si në aspektin kuantitativ ashtu edhe në atë profesional, ndërkohë që nuk ka pasur as aktivitete për fuqizimin e tyre në raport me kornizën aktuale ligjore dhe në periudhën raportuese nuk është organizuar asnjë trajnim rreth çështjeve mjedisore për stafin e SMMM.

Njohuritë e stafit komunal rreth kornizës mjedisore nuk janë të nivelit më të lartë, derisa përcaktimi i sfidave me të cilat ata ballafaqohen si rrjedhojë e mangësive ligjore në fushën e mjedisit ka qenë i pamundur për shkak të mos listimit të tyre nga punonjësit e SMMM.

Shkalla e hartimit dhe zbatimit të politikave lokale për planifikimin dhe menaxhimin mjedisor mbetet problematik, për faktin se nuk ka organizim të mirëfilltë në këtë aspekt; përkatësisht, rrjedha aktuale e hartimit dhe zbatimit të dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit aktualisht e bën të vështirë matjen e efikasitetit të këtyre veprimeve në përmirësimin e gjendjes mjedisore.

Niveli i inspektimit si dhe hartimi i raporteve përkatëse lidhur me zbatimin e kornizës ligjore të mbrojtjes së mjedisit dhe të zbatimit të strategjive mjedisore mbetet i paqartë për shkak të mos shpalosjes së të dhënave në këtë drejtim, derisa është pranuar se në tregues të caktuar nuk ka monitorim. Ndërkaq janë evidentuar edhe dilemat rreth përgjegjësisë, sa i përket monitorimit të gjendjes së zonave të mbrojtura.

SMMM në Komunën e Prizrenit ende nuk ka ndërtuar sistem të menaxhimit të të dhënave mjedisore, për shkak të mungesës së resurseve teknike dhe njerëzore për krijimin, grumbullimin dhe menaxhimin e të dhënave mjedisore.

Bashkëpunimi ndër-institucional në hartimin e politikave publike vlerësohet të jetë i pamjaftueshëm. Praktika e DSHP-së për takime me aktivistët e shoqërisë civile, me qëllim të shqyrtimit të mundësive për një bashkëpunim më efektiv në mes të Komunës dhe OJQ-ve që veprojnë në fushën e mjedisit është ndërprerë pas vetëm disa takimesh. Kësisoj bashkëpunimi me shoqërinë civile në hartimin e politikave lokale mbetet i pamjaftueshëm, ashtu sikurse edhe pjesëmarrja e publikut në hartimin strategjive lokale.

REKOMANDIMET

Lista me lejet mjedisore është ofruar për vitin 2021.

Prandaj edhe REKOMANDIMET mbeten po ato që janë dhënë më parë:

-Të shqyrtohen mundësitë për shtimin e punonjësve profesionistë në SMMM.

-Të organizohen trajnime për punonjësit e SMMM rreth kornizës ligjore dhe rreth çështjeve mjedisore.

-Të përmirësohet dhe dinamizohet hartimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit.

-Planet e nivelit lokal për menaxhimin mjedisor të përditësohen, bashkë me fuqizimin e raportimit të zbatimit të tyre.

-Të rriten kapacitetet si dhe të shtohet mbikëqyrja inspektive dhe raportimi mjedisor.

-Të fillojë sa më shpejtë procesi i krijimit, grumbullimit, menaxhimit të të dhënave dhe sistemit të menaxhimit të dhënave mjedisore.

-Të avancohet bashkëpunimi nivel qendror - lokal në hartimin e akteve ligjore dhe strategjive mjedisore.

-Të kultivohet bashkëpunimi më i afërt me OJQ-të për të nxitur rritjen e pjesëmarrjes së publikut në çështjet mjedisore.

PËR EC:

EC angazhohet për qëndrueshmëri ekonomike dhe qeverisje demokratike në nivel lokal (dhe rajonal) përmes mobilizimit të komunitetit, mbikëqyrjes së vendimmarrjes publike dhe partneritetit në zbatim të programeve dhe politikave zhvillimore.

Për përmbushjen e këtij misioni organizata zbaton projekte dhe nisma në kuadër të dy programeve kryesore: Qytete/Komuna Gjithëpërfshirëse dhe Zhvillim i Qëndrueshëm. Ndërsa programi i tretë është ideuar si njësi mbështetëse për veprimin e organizatës dhe synon adresimin e tri sfidave të jashtme dhe të brendshme:

1. Vëllimin e pamjaftueshëm të dijes empirike në vend, përfshi të dhënat e besueshme statistikore, analizat e specializuara dhe mendimet profesionale,
2. Nevojën për konsolidimin e kapaciteteve të brendshme, veçanërisht në hulumtime, baza të të dhënave, analizë, menaxhim, zhvillim komunitar dhe ekspertizë sektoriale, dhe
3. Mungesën e qëndrueshmërisë financiare afatgjatë duke i diversifikuar burimet e të hyrave, me theks në ofrimin e shërbimeve për palët e treta.

Trekëndëshi konceptual që do të orientojë punën e organizatës në pesë vitet e ardhshme (2020 - 2024) ka këto elemente:

1. Gjithëpërfshirjen,
2. Qëndrueshmërinë, dhe
3. Dijen.

EC beson se demokratizimi dhe zhvillimi i gjithëmbarshtëm shtetëror është proces që duhet planifikuar dhe ndërtuar nga poshtë lart.

Në thelb të qeverisjes demokratike qëndron hapja dhe përfshirja e të gjithëve në marrjen e vendimeve që kanë për synim të mirën e përbashkët, ndërsa planifikimi zhvillimor kërkon shfrytëzim racional të burimeve territoriale, pa e kompromituar përdorshmërinë e tyre nga gjeneratat e ardhshme.

Si demokracia ashtu edhe zhvillimi duhen ndërtuar mbi bazën e dijes së shëndoshë që garanton vendime dhe veprime të mençura dhe vizionare.

Vlerat kryesore të organizatës janë:

1. Paanshmëria - EC vepron në bazë të analizave të thukta dhe gjithëpërfshirëse dhe mënjanon veprimet e ngutshme dhe impulsive. EC synon të përkrahë dhe të shtyjë përpara alternativat të cilat në bazë të hulumtimit dalin të jenë më të përshtatshmet, pavarësisht nëse masa e shoqërisë nuk e përkrahin këtë opsion;

2. Aktivizmi - Anëtarët e EC do të jenë aktivistë të cilët angazhohen në baza të rregullta për të shtyrë përpara bashkëveprimin qytetar për të përmbushur misionin e organizatës;
3. Orientimi drejt rezultateve - Anëtarët e EC janë të orientuar për të arritur rezultate, ku përpjekja nuk i kënaq pritjet e organizatës në qoftë se nuk përfundon me rezultatet e pritura;
4. Komuniteti bazë e veprimit - EC do të jetë gjithnjë pranë komunitetit, duke mësuar nga qytetarët dhe duke ndërtuar konsensus për bashkëveprimin dhe formësimin e shoqërisë.